

Definición do termo *Plataxunta* (ata 0,5 puntos)

Suspenso (0-0,1)	Resposta en branco ou que revela a incompreensión do concepto.
Suspenso (0,15-0,2)	Resposta confusa ou incompleta.
Aprobado (0,25-0,3)	Resposta básica: -denominación popular outorgada a unha coalición de oposición ó franquismo formada na época da transición.
Notable (0,35-0,4)	Resposta con algunha destas aclaracións adicionais: -nela participaban comunistas, socialistas e democristiáns. -reclamaba amnistía e liberdade política. -tamén reclamaba o recoñecemento das nacionalidades históricas e a convocatoria a Cortes Constituíntes. -orixe do termo. Redacción: correcta.
Sobresaliente (0,45-0,5)	Resposta con precisións a maiores, ben exposta e axustada: -estaba formada por dúas organizacións: a Plataforma para a Convergencia Democrática (impulsada polo PSOE) e a Xunta Democrática (impulsada polo PCE). -surxiu ante o inmovilismo do goberno de Arias Navarro. -o seu manifesto fundacional produciuse en marzo de 1976. Redacción: correcta e ben exposta.

Definición do termo **Pactos da Moncloa** (ata 0,5 puntos)

Suspenso (0-0,1)	Resposta en branco ou que revela a incompreensión do concepto
Suspenso (0,15-0,2)	Coñecementos: resposta confusa ou incompleta Redacción: texto no que abundan as imprecisións, palabras inexistentes, frases incoherentes o mal articuladas
Aprobado (0,25-0,3)	Coñecementos: resposta básica que fai referencia ao seguinte: -Acordos socioeconómicos asinados en 1977 polos líderes dos principais partidos políticos e das organizacións sindicais no Palacio da Moncloa Redacción: texto formalmente correcto, pero expresión demasiado simple
Notable	Coñecementos: resposta con polo menos unha destas aclaracións

(0,35-0,4)	adicionais (ademais do esixido para o aprobado) -Foron asinados durante o goberno de Adolfo Suárez -Consistían nunha serie de acordos de carácter económico e social que posteriormente foron aprobados polo Congreso dos Deputados. -O seu piar fundamental era o consenso político por enriba das diferenzas políticas e sindicais -aspiraban ao pleno establecemento dun sistema democrático, a estabilidade do país e a solución dos problemas económicos máis urxentes Redacción: correcta
Sobresaliente (0,45-0,5)	Coñecementos: resposta con polo menos unha destas precisións a maiores (ademais do esixido para o notable) -O seu obxectivo era solucionar algúns dos problemas derivados da crise económica de 1973. -Entre as medidas adoptadas destacan a moderada suba salarial, a loita contra a fraude fiscal, o aumento das prazas escolares, a extensión do seguro de desemprego... -Ademais de abordar a crise económica, os pactos pretendían dar resposta común á conflitividade social, ao terrorismo e ao risco de Golpe de Estado -A redución da inflación e a normalización da vida sindical foron algúns dos seus logros Redacción: correcta, argumentación coherente e vocabulario axeitado Capacidade de síntese: a resposta non excede a extensión recomendada

Composición histórica: **A consolidación da democracia** (ata 5 puntos)

Moi deficiente (0-1)	Resposta en branco (0) A resposta é unha paráfrase dos documentos (1)
Deficiente (1,5-2)	Contidos: Xeneralidades sobre a época (1,5) Uso dos documentos: a resposta prescinde dos documentos e está elaborada como resposta a unha pregunta teórica (2) Redacción: texto no que abundan as imprecisións, palabras inventadas, frases incoherentes ou mal articuladas.
Aprobado (2,5-3)	Contidos: -Contextualizar o intento de golpe de estado no proceso de reformas políticas desenvolvidas polo goberno de Adolfo Suárez de cara a establecer a democracia en España. -Referir os factores que favoreceron a chegada dos socialistas ao goberno aludindo ás eleccións de 1982 como as “eleccións do cambio”. -Comentar as principais medidas levadas a cabo polos gobernos socialistas salientando o establecemento do estado de benestar e a integración de España nas institucións internacionais. Uso dos documentos: os documentos cítanse na redacción Redacción: texto formalmente correcto, pero expresión demasiado simple.
Notable (3,5-4)	Contidos (ademais do esixido para o aprobado, afondar no comentario nalgunha das seguintes cuestións): -Sinalar as principais causas do intento de golpe de estado e contextualizalo no proceso político de substitución do presidente do goberno (Adolfo Suárez por Calvo Sotelo). -Citar os principais conspiradores e a estratexia seguida no golpe de estado. -Facer referencia ao papel desenvolvido polo xefe de Estado ao respecto e as súas consecuencias. -Comentar o cambio político resultante das eleccións de 1982 coa vitoria do PSOE que puxeron fin ao proceso de Transición. -Relacionar a política do PSOE coa socialdemocracia europea. -Referir algunhas das medidas máis salientables a nivel económico, político e social dos gobernos de Felipe González. Uso dos documentos (ademais do esixido para o aprobado, a resposta -Comenta a mobilización dos mandos do exército sublevado de xeito simultáneo en distintas zonas do estado (doc.1). -Analiza os resultados máis significativos das eleccións de 1982: maioría absoluta do PSOE e caída da UCD (doc.2) -Sinala a prioridade do goberno socialista por integrar España nas institucións económicas internacionais (doc.3). Redacción: correcta e texto coherente
Sobresaliente (4,5-5)	Contidos (ademais do esixido para o notable, no comentario recóllense unha ou varias das seguintes cuestións)

	-A oposición de parte da cúpula do exército á política dirixida polo ministro de Defensa Agustín Rodríguez Sahagún (que non era militar). -O sometemento definitivo do poder militar ao civil logo da actuación do rei durante o golpe de estado. - Indicar que a falta de solucións axeitadas xunto coa campaña de acoso ao Goberno levada a cabo pola oposición socialista desembocou nunha nova convocatoria de eleccións. -A polémica entrada de España na OTAN no goberno de Calvo Sotelo e o cambio de postura do PSOE respecto da mesma. -O proceso de integración na CEE: Tratado de Adhesión asinado en 1985, entrada en vigor en xaneiro de 1986 e período de adaptación ata 1992. -Os principais problemas aos que tivo que facer fronte Felipe González (por exemplo: terrorismo de ETA, corrupción e escándalos internos, folgas xerais e contestación social, reorganización da dereita...) Uso dos documentos (ademais do esixido para o notable, analízase en profundidade algún dos documentos): -Faise referencia ao suposto “baleiro de poder” argumentado polos militares conspiradores no doc.1 para xustificaren a súa acción/Sínálase que o rei era a única autoridade que recoñecían moitos xefes militares. -Afóndase nos resultados das eleccións de 1982 recollidos no doc.2. prestando especial atención ao derrubamento do voto de UCD, ao “salto” cara ao segundo posto de Alianza Popular cos “desertores” de UCD, o mantemento dos partidos nacionalistas e a continuada decadencia do PCE. -Coméntanse o compromiso adquirido por España de axustarse ás decisións e acordos do Consello das Comunidades Europeas recollido no doc.3. Redacción: correcta e precisa, facendo uso do vocabulario específico. O texto está ben articulado e argumentado
--	---